

FRANCÉS X. BOYA ALÓS, pòrtaveu deth grop Unitat d'Aran en Conselh Generau d'Aran, ara empara de çò que dispausa er article 97.3 en relacion damb er article 91.4 deth Reiau Decrèt 2568/86 de 28 de noveme, Reglament d'organización e Foncionament de Regim Juridic des Entitats Locaus, sosmet ara consideracion deth Plen, entath sòn debat e aprovacion, s'ei avient, era prepausa d'acòrd que seguís, qu'incorpòre ua Mocion sus eth decrèt de creacion dera Academia der aranés o occitan referenciau.

**PREPAUSA D'ACÒRD PLEN: APROBACION, SE PROCEDÍS, DERA MOCION SUS ETH DECRÈT DE CREACION DERA ACADEMIA DER ARANÉS O OCCITAN REFERENCIAU**


Prumèr.- Aprovar era Mocion deth Conselh Generau d'Aran sus eth decrèt de creacion dera Academia der aranés o occitan referenciau, damb eth redactat que seguís:

**Mocion sus eth decrèt de creacion dera Academia der aranés o occitan referenciau**

Aguesti darrèri dies a estat publicat peth Departament de Justícia dera Generalitat eth projècte de decrèt tara creacion dera Acadèmia der aranés e der occitan referenciau, segontes ditz er article 3 d'aguest decrèt.

Consideram:

1. Qu'era creacion d'ua acadèmia tà abordar era normativizacion der occitan referenciau en Aran, amiada a tèrme sense cap acòrd plausible damb es representants politics e lingüistics dera rèsta d'Occitània, ei ua afronta pòc amistosa tara rèsta deth pòble occitan. Ua afronta que sonque pòt respòner ara prepotència e ara incomprension dera realitat occitana e dera sua istòria.
2. Qu'aguest decrèt vulnère un des principis fonamentaus deth pòble aranés e deth sòn autogovèrn: era sua capacitat de mestrejar aqueri ahèrs relacionadi damb era sua lengua e era sua cultura. En aguest sens, er article 7, derive parciaument ath Govèrn dera Generalitat era triga des membres dera acadèmia e vulnère clarament aguest principi.



3. Qu'era nulla participacion deth Plen deth Conselh Generau d'Aran en aquest ahèr, manifèste ua actitud impròpria deth Govèrn dera Generalitat, en contra d'un principi fonamentau de participacion des aranesi e des sòns representants en un ahèr tant important tath nòste pòble com ei era sua lengua.
4. Qu' aquest decret non ten en compte ad aqueres personas que, pendent aquesti ans e des dera sua creacion, en 18 de deseme de 2002, an format part der IEA, e i an destinat es sòn esfòrçi personaus e collectius. Eri, com membres dera Institucion, an estat deth tot ignoradi en aquest procès.
5. Qu' aquest decret vulnère er article 4 punt 3 dera Lei der occitan, aranés en Aran que ditz: "Er Institut d'Estudis Aranesi a d'èster independent des administracions publiques [...]". Aquest article entre en contradiccion damb er article 7 d'aquest decret que propòse ua triga d' eleccion des nauï membres "a dit" pes govèrns dera Generalitat de Catalunya e deth Conselh Generau d'Aran.
6. Qu'era anullacion de facto des estatuts aprovadi peth Conselh Generau eth 22 de hereuèr deth 2011, tà retornar as estatuts der an 2006, ei ua burla ara democràcia e ath Plen deth Conselh Generau d'Aran, eth quau non se respècte ena soberania des sues decisions.

Ei pr'amor d'agestes rasons qu'eth Grop d'Unitat d'Aran presente era propòsta d'acòrd que seguís:

1. Demanar ath Departament de Justícia dera Generalitat de Catalunya que retire de forma immediata aquest projècte de decret e s'encete un espaci de dialòg tara recerca des consensi de besonh qu'an de fonamentar un procès d'agestes caracteristiques.

Val d'Aran, hereuèr 2013